

女科準繩

雜症

二之上

虛勞 寒熱
客熱 惡寒

特別
79
244
4



門中武
244
卷4

篤信堂

女科證治準繩卷之二

金壇王肯堂輯 門人新安閔承詔校

雜症

門上

雜證男女一也此二卷方論出女科書多雜病書所遺故存之耳

虛勞

勞倦所傷用補中益氣湯證治乃暴病也失治而有發熱潮熱盜汗欬嗽諸證出焉謂之虛勞又復失治而有皮聚毛落飲食不為肌膚骨髓中熱經閉不行諸證出焉謂之瘵骨蒸熱至於傳尸之疾別自一種其源不起於勞欲其流或至於滅門余於雜病首冊則既條分而備列矣然男以精為主女以血為主其

女科

卷之二

致病既殊其施治亦異故應別著方法而陳氏良方分勞瘵骨蒸勞血風勞氣虛風勞冷勞熱勞客熱等門未免惑亂後人靡所適從今釐正如左醫者更參雜病虛勞傳尸勞二門而用之則無道少之患矣

初病大法

保治婦人虛勞局方中謂首尾六合如大

聖散熟地黄丸是治無熱虛勞也中道藥牡丹煎丸空心食前人參荆芥散臨卧食後是治有熱虛勞也戴有病後血虛者有本體血虛者其人往來寒熱或五心發熱言語無力面色痿黃頭目昏暈變生諸疾芎歸湯加羊肉少許或十全大補湯四物湯養榮

湯服之血虛而氣旺者宜抑氣湯即香附末

增損四物湯

易簡方

治婦人氣血不足四肢惰息乏力少氣兼治產後下血過多榮衛虛損陰陽不和

乍寒乍熱

當歸

川芎

人參

乾薑

炮

甘草

炙

白芍藥

各等分

右咬咀每服四錢水壹盞煎至六分去滓熱服

六神湯

御藥院方

治脾氣不和榮衛不足怠惰困倦不

嗜飲食服之補養真氣進美飲食充澤肌膚

當歸

熟地黄

白芍藥

川芎

黃耆

地骨皮

各等分

右為麤末每服五錢水壹盞半煎至八分去滓空心溫服

加減大建中湯

普濟

治婦人胎前產後一切虛損月

水不調臍腹疝痛往來寒熱自汗口乾煩渴

芍藥

當歸

川芎

黃耆

桂

甘草

白朮

右為末每服貳錢半水一盞半薑棗煎六分去滓溫服食前

清氣湯

普濟

治肌熱骨瘦者陰衰陽盛也是氣弱而

血熱則外蒸肌肉內蒸骨髓煩渴口乾頰赤頭疼飲食無味心神驚悸肢體痠疼或時盜汗或時咳嗽或月家斷絕或經極少俗謂血勞產後曰蓐勞及羸瘦之人與清氣湯羊乳丸治之

紫蘇子

五味子

大腹子

枳殼

桑白皮

微炒

菖蒲

地骨皮

白朮

柴胡

秦艽

獨活

乾葛

甘草

各等分

虛勞 女科

右咬咀每服五錢水壹盞入紫蘇七片烏梅壹箇煎至七分温服

黃耆散 一名防風湯 治勞氣食後身疼倦夜間盜汗此

因失血榮衛損也

黃耆 壹兩 白芍藥 防風

當歸 各柒錢伍分 甘草 半兩

右咬咀每服五錢水壹盞薑叁片棗壹枚煎至七分去滓温服食前

四白散 治男子婦人血虛發熱夜多盜汗不進飲食四肢羸瘦骨節拘攣脚痛不能行

黃耆 厚朴 益智仁

藿香 白朮 白扁豆

陳皮 各壹兩 半夏 白茯苓

人參 白豆蔻仁 天台烏藥

甘草 各半兩 京南芍藥 檀香

沉香 各壹兩

右為細末每服四錢水壹盞薑叁片棗壹箇煎至七分温服

桔梗飲子 大全良方 治心氣不足解勞倦益血

黃耆 人參 麥門冬

苦梗

甘草 各壹兩

青皮 半兩

右為末每服參錢水壹盞煎至七分溫服

如聖散 大全良方 治婦人所稟血氣不足不耐寒暑易

胃疾傷月水不調久而心虛狀若心勞四肢倦怠

筋骨少力盜汗易驚或時不寧五心煩熱肌膚不

長間作頭昏飲食無味胸膈不利或產前產後受

病並可服之

北柴胡

白茯苓

甘草

熟地黃

人參

當歸 各壹兩

鼈甲

胡黃連

沉香

知母 各半兩

桑寄生

乾葛 各柒錢半

右為細末每服貳錢水壹盞烏梅壹个棗貳枚麥

門冬數粒煎至八分服無時

劫勞散 治心腎俱虛勞嗽二三聲無痰遇夜發熱

熱過即冷時有盜汗四肢倦怠體劣黃瘦飲食減

少夜卧恍惚神氣不寧睡多異夢此藥能治微嗽

有唾唾中有紅線名曰肺痿失治便成羸劣之疾

白芍藥 陸兩

綿黃耆 蜜炙肆兩

甘草 炙

人參 去蘆

當歸 去蘆酒洗

半夏

白茯苓 去皮

熟地黃 洗淨焙乾

五味子

阿膠各貳兩炒

右咬咀每服參錢水壹盞生薑七片棗叁枚煎至九分溫服無時日三

筒骨煎大全良方

治諸虛疾羸瘦乏力腰背引痛心煩

喘嗽唾膿嘔血頑涎壅盛睡卧有妨胸滿氣促夜多盜汗髮焦耳鳴皮寒骨熱一切五勞七傷骨蒸等候並皆療治

地骨皮

粉草

北柴胡

前胡

烏藥

麻黃節不去

乾葛

青蒿

苦梗

知母

天仙藤

條黃芩各壹兩

人參

生乾地黃

秦艽

鼈甲

黃耆各半兩

右咬咀每服參錢水壹盞酒壹分豬筒骨壹莖炙焦分爲四服菴柳枝各七寸杏仁五粒去皮尖搥碎煎至七分去滓溫服加烏梅半箇尤妙 一方加當歸芍藥

滋血湯 治婦人經候不通或血聚肢體麻木肌熱身重倦怠少力將成勞瘵不可妄行破血宜滋養潤利見經閉

補中丸 余居士選方

治婦人虛損諸疾

白朮

地黃 各壹兩

川芎

白芍藥

當歸

黃耆

人參

陳皮 各半兩

右為細末煉蜜丸如梧桐子大每服五七十九溫水下

溫中丸 普濟

治衝任虛損血氣虧傷月水斷續來不

應期或多或少腹中疝痛不實寒熱煩壅咽燥舌乾心神忪悸頭目眩暈肢體倦怠腰背引痛筋脉拘急帶下赤白飲食進退或發寒熱

生地黄

生薑

二味各壹觔切碎各研取汁將薑汁炒地黃滓却將

地黃汁炒生薑滓

白芍藥

貳兩

人參 去蘆

蒲黃 炒

當歸 酒洗

琥珀 另研

白茯苓 去皮

黃耆 蜜炙

延胡索 炒

麥門冬 去心

烏梅肉 焙各壹兩

右為末別用白艾葉壹觔水壹斗煎取濃汁熬成膏和前藥丸如梧桐子大每服五拾丸溫米飲下空心食前

人參丸 十便良方

養陰生血補虛

人參

鹿角膠 炒

熟地黄

芍藥

當歸

白朮

川芎各等分

右為末煉蜜丸如梧桐子大每服參拾丸空心米飲下

秘方十補丸

治婦人諸虛百損榮衛不調形體羸

瘦面黃背倦口苦舌乾心忪多汗血衰氣盛寒熱

往來一切血崩帶下墮胎落孕此藥皆治孕婦服

之尤有神効

熟乾地黄

淨洗酒浸蒸過焙乾秤重肆兩

肉蓯蓉

酒浸焙乾

人參

綿黃耆

去蘆蜜炙

川芎

當歸

去蘆酒浸焙

白芍藥

洗

白茯苓

白朮

去蘆洗淨炒各貳兩

甘草

炙半兩

肉桂

壹兩去皮

右為細末用好酒調出藥末打糊為丸如梧桐子大每服六七拾丸食前米湯或溫酒下

五聖丸

調益榮衛滋養氣血治衝任虛損月水不

調臍腹疔痛崩中漏下血瘕塊硬發渴疼痛妊娠

宿冷將理失宜胎動不安血下不止及產後乘虛

風寒內搏惡露不下結生瘕聚小腹堅痛時作寒

熱

當歸

川芎

白芍藥

虛勞 女科
熟乾地黄各壹兩 生乾地黄貳兩

右為細末酒煮麪糊為丸如梧桐子大每服六七拾丸食前溫酒下

七補丸十便良方 治婦人氣血虛弱衝任不和腹中經

結狀若懷孕月候尚來未分經脉宜服此方

當歸 芍藥 川芎各叁分

白芷 白朮 熟地黄

阿膠炒各貳分

右為細末煉蜜丸如梧桐子大每服五六拾丸空心米飲下

羊肝丸 治虛勞羸瘦

秦艽 柴胡 地骨皮

小朮黃肉 黃耆蜜炙 地黄酒浸蒸過各等分

右為末煉蜜丸如梧桐子大每服五拾丸煎人參湯下不拘時候日進三服

人參鼈甲丸普濟 治婦人一切虛損肌肉瘦瘁盜汗

心忪咳嗽上氣經脉不調或作寒熱不思飲食

杏仁湯浸去皮尖炒 人參 當歸

赤芍藥 甘草炙 柴胡

桔梗去蘆各壹兩 地骨皮 宣黃連去鬚

胡黃連

各半

肉桂

去麩

木香

各半

麝香

另研半錢

鼈甲

壹枚重貳兩者醋炙黃色

右為細末用青蒿壹觔研爛絞汁童子小便五升酒五升同熬至貳升次入真酥參兩白沙蜜參兩再熬成膏冷方下眾藥末搜和令勻丸如梧桐子大每服五十九溫酒送下無時

艾煎丸

東垣

治婦人諸虛

北艾葉

大當歸

各貳兩

香附子

肆兩

右醋煮半日焙乾為末再用醋煮糊丸艾醋湯下

芪味丸

東垣

補虛敗

黃耆

肆兩鹽水浸火炙

北五味

貳兩

右為末秫米糊丸空心鹽酒下

無名毒

大婦人冷勞屬血氣不足臟腑虛寒以致

臍下冷痛手足時寒月經失常飲食不消或時嘔吐惡寒發熱骨節痠疼肌膚羸瘦面色痿黃也薛前證有內外真寒然有內外真熱亦有內真熱而外假寒者又有內真寒而外假熱者若飲食難化大便不實腸鳴腹痛飲食畏寒手足逆冷面黃嘔吐畏見風寒此內外真寒之證也宜用附子理中湯以回陽八味地黃丸以壯火若飲食如常大便堅實胸腹痞脹

飲食喜冷手足煩熱面赤嘔吐不畏風寒此內外真熱之證也宜用黃連解毒湯以消陰六味丸以壯水若飲食如常大便堅實胸腹痞脹飲食喜寒手足逆冷面黃嘔吐畏見風寒此內真熱而外假寒也亦用解毒湯六味丸若飲食少思大便不實吞酸噯氣胸腹痞滿手足逆冷面赤嘔吐畏見風寒此內真寒而外假熱也亦用附子理中湯與八味丸當求其屬而治之經曰益火之源以消陰翳壯水之主以制陽光使不知真水火之不足泛以寒熱藥治之則舊疾未去新病復生矣夫所謂屬者猶主也謂心腎也求其

屬也者言水火不足而求之於心腎也火之源者陽氣之根卽心是也水之主者陰氣之根卽腎是也非謂火爲心原爲肝水爲腎主爲肺也 一婦食少洋嘔口吐痰涎面黃腹痛月經不調手足逆冷此內外俱寒之證以六君加附子木香治之而癒 一婦忽嘔吐酸水內熱作渴飲食不進惟喜冷水面色青赤投之以藥入口卽吐此內外真熱之證積十餘日以黃連一味煎湯飲之徐加白朮茯苓仍加陳皮當歸炙甘草至月餘始進米飲稀粥調理而癒 一婦內熱作渴大便秘結畏惡風寒手足逆冷此內真熱而

虛勞 九和 二
外假寒先用黃連解毒湯後用六味丸而瘳 一婦
初患痰喘熱渴醫以降火散氣治之肌日削而氣日
索延至甲辰木旺痰盛身熱口腐腹脹神昏絕食幾
死此虛熱無火投以壯水生土之劑隨服隨效越數
歲夏初坐則頭墜不能起視卧則背冷覺風透體煩
熱暈眩咳嘔痰湧手足麻冷此內真寒外假熱之證
也遂以大補薑附之劑投之不三四服而大勢已平
仍以前藥加減而瘳 韓懋治其嫂年三十餘十八
胎九殞八夭會家難作驚憂過甚遂昏昏不省人事
口唇舌皆瘡或至封喉下部虛脫白帶如注如此四

十餘日或時少甦至欲自縊悲不能堪醫或投涼劑
解其上則下部疾愈甚或投熱劑及以湯藥熏蒸其
下則熱暈欲絕此亡陽證也急以鹽煮大附子九錢
爲君制以薄荷防風佐以薑桂芎歸之屬水煎入井
水冷與之未盡劑鼾睡通宵覺卽能識人或曰此何
謂也曰方書有之假對假真對真爾上乃假熱故以
假冷之藥從之下乃真冷故以真熱之藥反之斯上
下和而病解矣繼以女金丹錯綜以三二方不但去
其疾且調治元氣無何連生二子

以上論及治驗有無當於虛勞者而

實治寒熱變通之大法不可不察也

局大聖散 治婦人血海虛冷久無子息及產後敗

血衝心中風口噤子死腹中擘開口灌藥須臾生
下便得無恙治墮胎腹中攻刺疼痛橫生逆產胎
衣不下血運血癖血滯血崩血入四肢應血藏有
患及諸種風氣或傷寒吐逆欬嗽寒熱往來遍身
生瘡頭痛惡心經脉不調赤白帶下乳生惡氣胎
藏虛冷數曾墮胎崩中不定因此成疾室女經脉
不通並宜服之常服煖子宮和血氣悅顏色退風
冷消除萬病兼療丈夫五勞七傷虛損等病

澤蘭葉 石膏 研各 卷栢 去根

白茯苓 去皮 防風 去蘆 厚朴 去麁皮

細辛 去苗 栢子仁 微炒 桔梗

吳茱萸 湯洗七次焙 五昧子 揀淨

人參 藁本 去苗 乾薑 炮

川椒 去目閉口者 白芷 白朮

黃耆 去苗 川烏 炮去 皮臍 丹參 各參分

蕪荳 微炒 甘草 炙 川芎

芍藥 當歸 各壹兩 白薇

阿膠 碎炒燥 肉桂 壹兩 生乾地黃 壹兩

右為細末每服貳錢空心臨卧熱酒調下若急疾

有患不寐日三服

渾身碎痛飲子 治婦人勞倦

虎骨 每錢

防風

藁本

甘草

白芷

茯苓 各錢

當歸

芍藥

續斷

白朮

附子 各貳錢

右為麤末薑棗煎服不拘時

十全大補湯治婦人冷勞最妙 方見雜病虛勞

當歸木香湯 治婦人血氣虛勞令人頭目昏眩語

聲沉重舌根強硬言語寒澀口苦不食白日困睡

夜有虛汗神思恍惚夢寢驚悸面色痿黃頻發

嗽遍身疼痛脚氣走注四肢沉重背胛拘急時發

寒熱五心煩躁唇乾多渴胸膈不利咽喉噎塞疔

羸瘦弱經曰大脉為勞宜服

當歸

青皮

五加皮

海桐皮

陳皮

丁皮

桑白皮

地骨皮

牡丹皮

棕櫚皮 煇存性

赤芍藥 各壹兩

木香 各半兩

右為末每服壹錢水壹盞入香油壹貳點古錢壹文洗同煎至七分不拘時溫服

熟乾地黄丸

方見前
通治門

木香丸 治婦人冷勞經脉不調臟腑氣滯四肢疼

痛飲食無味漸加羸瘦

木香

琥珀

吳茱萸炮

當歸

牡丹皮

赤芍藥

三稜

附子炮

延胡索

川芎

各參分

乾薑

人參

桂心

各半兩

北柴胡

白朮

鼈甲

醋煮去
裙炙

厚朴

熟地黄

陳橘皮

各壹兩

右為末煉蜜丸如梧桐子大每服參拾九空心溫

酒下

煮肝散

治婦人冷勞脾胃虛乏大腸轉洩水穀不

化四肢羸瘦口内生瘡不思飲食漸加無力

北柴胡

宿砂仁

蔣蘿

葶撥

各參分

白朮

白芷

胡椒

白薑

陳皮

山茵陳

人參

蕪荑仁

木香

紫苑

白芍藥

北細辛

桂心

各半兩

右為細末以豬豬肝一具去脂膜切如柳葉片以新汲水洗過入葱白參寸細切入藥末半兩於銚內以新水貳大醃入鹽醋少許以瓷碗合煮令水盡空心以意食之喫前飲下食後良久飲煖酒一盞為妙晚食前熱服

礪砂煎丸 治婦人冷勞心腹積聚腹脇疼痛四肢

羸瘦不食

鼈甲 醋炙

菝仁 去皮尖 麩炒

木香

五靈脂 去土 石炒

當歸 各壹兩

礪砂 貳兩 醋壹升 熬成膏

右為細末用礪砂膏為丸如梧桐子大空心溫酒

下貳拾丸

此方礪砂太多不宜輕用

有熱虛勞

大婦人熱勞由心肺壅熱傷於氣血以致

心神煩躁頰赤頭疼眼澀唇乾口舌生瘡神思昏倦

四肢壯熱飲食無味肢體痠疼心忪盜汗肌膚日瘦

或寒熱往來當審其所因調補氣血其病自瘳矣

薛前證乃壯火食氣虛火煎熬真陰之所致也王太

僕云如大寒而甚熱之不熱是無火也熱來復去晝

見夜伏夜發晝止是無火也當治其心如大熱而甚

寒之不寒是無水也熱動復止倏忽往來時動時止

是無水也當助其腎心盛則生熱腎盛則生寒腎虛

則寒動於中心虛則熱收於內竊謂前證若肝脾血
虛用四物參朮肝脾鬱怒小柴胡合四物湯脾胃氣
虛補中益氣湯肝脾血虛加味逍遙散肝經風熱加
味小柴胡湯心經血虛天王補心丹肺經氣虛人參
補肺湯肝經血虛加味四物湯大抵午前熱屬氣分
用清心蓮子飲方見雜病赤白濁午後熱屬血分用四物湯
參朮牡丹皮熱從左邊起肝火也實則四物湯龍膽
山梔虛則四物參朮黃耆熱從臍下起陰火也四物
參朮黃檗知母酒拌炒黑五味子麥門冬肉桂如不
應急用加減八味丸不時而熱或無定處或從脚心

起此無根虛火也用加減八味丸及十全大補湯加
麥門五味主之 一婦經行不調飲食少思日晡熱
甚此肝脾氣血俱虛用十全大補加山茱萸山藥牡
丹皮麥門五味而瘡次年秋寒熱如瘧仍用前藥而
瘡 一婦生育多胎月經不調兩足發熱年餘其身
亦熱勞則足痠痛又年許唇腫裂痛又半年唇裂見
血形體瘦倦飲食無味月水不行此氣血俱衰之證
彼誤用通經丸等藥復傷氣血遂致不起

黃耆散

聖惠

治婦人熱勞羸瘦四肢煩疼心躁口乾

不欲飲食

人參

黃芩

當歸 各柒錢半

北柴胡

去皮壹兩半

黃耆

地骨皮

赤茯苓

麥門冬 去心

生地黃

赤芍藥

各壹兩

甘草

炙壹錢半

右咬咀每服四錢水壹盞薑五片煎六分去滓溫服無時

逍遙散

集

治血虛勞倦五心煩熱肢體疼痛頭目

昏重心忪頰赤口燥咽乾發熱盜汗減食嗜卧及血熱相傳月水不調臍腹脹痛寒熱如瘧又主室女血弱陰虛榮衛不和痰嗽潮熱肢體羸瘦漸成

骨蒸

白茯苓

白朮

去蘆

白芍藥

當歸

去蘆酒浸半日微炒

北柴胡

去苗各壹兩

甘草

炙壹兩半

右剉散每服叁錢水壹盞半薑叁片麥門冬貳拾粒去心煎服不拘時候 一方加知母地骨皮

一方薄荷湯下無門冬 一方名人參散治婦人

血熱虛勞骨蒸兼治邪熱客於經絡痰嗽煩躁頭目昏痛夜多盜汗補真氣解勞倦用人參白朮茯苓柴胡半夏當歸赤芍藥乾葛甘草黃芩各等分咬咀每服四錢水壹盞半生薑五片棗貳箇煎至

六分不拘時候溫服應有勞熱之證皆可服之熱退即止

子芩散拔粹 涼心肺解勞除熱使榮衛順血不絕

黃耆壹兩 白芍藥 子芩

人參 白茯苓 麥門冬去心

生乾地黄各半兩 苦梗貳錢半

右為麤末先用竹葉壹握小麥柒拾粒水叁盞薑叁片煎至壹盞半入藥末叁錢重煎至七分去滓溫服

知母散聖惠 治婦人熱勞體痛壯熱四肢煩疼咽喉

不利少思飲食

知母 黃芩各柒錢半 柴胡去苗

生乾地黄各壹兩 赤芍藥 麥門冬去心

射干 川升麻各柒錢半 甘草半兩炙微赤剉

右為麤散每服四錢水壹中盞入生薑半分淡竹葉貳拾柒片同煎至六分去滓不計時候溫服

半夏散大 治婦人熱勞煩渴口乾體瘦無力四肢

疼痛或時寒熱痰逆嘔吐不思飲食

半夏 知母 苦梗

人參 赤茯苓 秦艽

赤芍藥

麥門冬

烏梅肉

各半兩

鼈甲 醋炙

北柴胡

黃耆

各壹兩

大腹皮

半錢

甘草

半錢

右為麤末每服四大錢水壹盞半生薑參片煎至

七分去滓溫服無時

秦艽散

大

全

治血經有熱月脉凝滯五心煩倦

麥門冬

秦艽

各壹兩

生地黃

當歸

各半兩

地骨皮

鬱金

蘇木

各貳錢半

右為細末每服壹錢半水壹盞紅花少許同煎至

七分溫服若經脉調不用紅花忌酒與熱物此方

可服一年

鼈甲地黃湯

補遺

治熱勞手足煩心怔忡悸悶婦人

血室有乾血身體羸瘦不為肌肉

柴胡

去蘆

當歸

去蘆酒浸

麥門冬

去心

鼈甲

醋炙

石斛

白朮

熟地黃

酒浸

茯苓

秦艽

去蘆各壹兩

人參

肉桂

不見火

甘草

各半兩

右剉每服四錢薑四片烏梅半箇煎溫服

胡黃連散

聖惠

治婦人熱勞體瘦經脉不通四肢疼

痛口乾煩渴不得眠卧飲食全少

鼈甲

壹兩半醋炙黃去裙襴

天靈蓋

酥炙黃

柴胡

去蘆

生乾地黄

地骨皮

黃耆

剉

川大黃

壹兩剉微炒

犀角屑

各壹兩

胡黃連

當歸

青蒿

黃芩

各半錢半

赤芍藥

木香

麝香

細研入各半兩

右為麤末每服四錢以水壹中盞入生薑壹錢參分桃柳心各七莖煎至六分去滓不拘時溫服

犀角散

聖惠

治婦人熱勞心胸煩熱不思飲食四肢

多疼經脉澀滯

犀角屑

黃芩

甘草

炙微炙剉各半兩

赤芍藥

虎杖

茯苓

地骨皮

麥門冬

去心

當歸

枳殼

麩炒微黃各半錢半

柴胡

去苗

紅藍花

鼈甲

醋炙黃去裙襴各壹兩

右為麤散每服參錢以水壹中盞入生薑半分煎至六分去滓溫服無時

紅藍花散

聖惠

治婦人熱勞四肢羸瘦經脉不通

柴胡

壹兩半去苗

紅藍花

當歸

生乾地黄

赤芍藥

鬼箭羽

虎杖

大腹皮 剉

麥門冬 去心

土瓜根

地骨皮

枳殼 麩炒微黃去穰各壹兩

甘草 炙微赤半兩

右為麤散每服四錢以水壹中盞入生薑半分煎至六分去滓溫服無時

鼈甲散 聖惠 治婦人熱勞發渴壯熱四肢煩疼漸漸

黃瘦心胸躁悶

鼈甲 醋炙令黃去裙襴 柴胡 去蘆各壹兩半

麥門冬 去心壹兩

知母

川大黃 剉碎微炒 地骨皮

赤芍藥

人參 去蘆 黃芩

黃耆 剉

桑根白皮 各柒錢半 甘草 炙微赤半兩

右為麤散每服四錢以水壹中盞入生薑半分葱白五寸豉五十粒煎至六分去滓溫服無時

治婦人骨槽勞熱宮臟不調因感勞氣子母相傳邪氣干心非時驚恐如人將捕戰慄不安 楊子建護命方

桑寄生 半兩

人參

茯苓

鼈甲 醋炙

柴胡 去苗

獨活

天靈蓋 酥炙黑色

川芎 各貳錢半

沉香 玖分

木香 壹錢貳分半

右細杵羅為末每服參錢水壹盞煎兩三沸急瀉

出空心忽非時和滓喫

豬肚丸聖惠 治婦人熱勞羸瘦

北柴胡 赤茯苓 人參

黃耆各壹兩 黃連叁兩 地骨皮

木香各半兩 薏仁 鼈甲各壹兩半

右爲細末用好嫩豬肚一枚淨洗將藥末入豬肚內以線縫合蒸令爛熟於砂盆內研如膏丸如梧桐子大食前粥飲下叁拾丸午食前再服

胡黃連丸普濟 治婦人熱勞煩悶四肢黃瘦疼痛時有咳嗽不欲飲食

胡黃連 知母 川升麻

玄參 人參去蘆 當歸

甘草炙微赤 檳榔 桔梗去蘆各半兩

赤芍藥 犀角屑 地骨皮

茯神 杏仁湯浸去皮尖雙仁麩炒微黃

紫苑洗去苗土 川大黃剉碎微炒 秦艽去苗

枳殼麩炒微黃去穰各半錢半 柴胡去苗壹兩

麥門冬去心焙壹兩半 鼈甲貳兩醋炙黃去裙爛

右爲末煉蜜和搗三二百杵丸如梧桐子大不計時候以湯飲下叁拾丸

益母草煎丸 治婦人熱勞煩悶四肢疼痛經脈

滯澀腹脇妨悶不欲飲食

益母草汁 壹升 青蒿 壹升 無灰酒 壹升

生薑汁 壹升 童子小便 壹升

已上六味於銀器中以慢火熬成膏

柴胡 去苗 麥門冬 去心 赤芍藥

棗仁 湯浸去皮尖雙 生乾地黄

鬼箭羽 各壹兩 鼈甲 貳兩醋炙 人參 去苳

琥珀 研細 地骨皮 白朮

枳殼 麩炒微黃去穢 桔梗 去蘆 當歸 各半

麝香 貳錢半

右為末用前膏子和搗三二百杵丸如梧桐子大食前以溫水下參拾丸

青蒿丸 聖惠 治婦人熱勞咳嗽肌體消瘦心膈煩熱

夜多盜汗四肢痠痛食少無力

青蒿 杏仁 湯浸去皮尖 天靈蓋 酥炙

鼈甲 醋炙黃去裙 天門冬 去心 柴胡 去苗

地骨皮 旋復花 紫苑 洗去

貝母 人參 去苳 秦艽 去頭

葳蕤 黃耆 川大黃 剉微

枳殼

麩炒微黃去穰各壹兩

甘草

炙微赤剉半兩

龍膽草

半兩

朱砂

壹兩細研水飛過

麝香

半兩細研

右為末入研了藥令勻煉蜜和搗三五百杵丸如

梧桐子大每以麥門冬湯下貳拾丸不計時候

鼈甲丸

治熱勞尤佳

河車

壹具治法詳見後條

鼈甲

醋炙壹兩

桔梗

白芍藥

大黃

煨

甘草

苦參

貝母

知母

秋石

豉心

草龍膽

黃藥子

莪朮

犀角屑

消石

各半兩

右為末以前膏子為丸湯使如前

雞蘇丸

治虛熱昏冒倦怠下虛上壅嗽血衄血

雞蘇葉

半觔

黃耆

苦楝

各半兩

防風

荆芥穗

生乾地黃

各壹兩

甘草

川芎

甘菊花

各貳錢半

真腦子

半錢

右為細末煉蜜丸如彈子大每服壹丸用麥門冬去心煎湯嚼下又治肺損吐血日漸乏力瘦弱行步不得喘嗽痰涎飲食不美或發寒熱小便赤澀

加車前子貳錢半每服壹丸煎桑枝湯嚼下日可
六七服桑枝剉炒香每用水參盞煎至壹盞去滓
下藥

察骨蒸 五勞六極七傷諸證治已見雜病虛勞門
茲不贅叙婦人致此多因經行胎產或飲食起居七
情重傷肝脾之所致又或失於調攝或過於攻伐而
成與男子治法稍有不同故彙集古今禁方專治婦
人者於此若欲窮其源流更當稽之彼籍

補虛治察疾得効方河車丸 治勞嗽一切勞瘵虛
損骨蒸等疾

河車

壹枚初生男子者尤良於長流水中
蕩洗血淨入磁器內重湯煮爛入藥

雪白茯苓

半兩

揀參

壹兩

乾山藥

貳兩

右爲細末入河車汁加麩糊爲丸如梧子大以少
麝香末爲衣每服參五拾丸米飲溫酒鹽湯送下
空心服嗽甚者五味子湯下

十全大補湯

方見雜
病虛勞

治氣血虛熱加柴胡地骨皮秦

芫

補虛退熱潤燥黃耆丸

聖

治婦人骨蒸煩熱四肢

羸瘦疼痛口乾心躁不得眠卧

黃耆

麥門冬

去心

茯神

北柴胡

甘草

生乾地黃各壹兩

酸棗仁炒

郁李仁

杏仁去皮尖雙仁炒黃

枸杞子

人參去蘆

黃芩各柒錢半

百合

枳殼去穰炒

赤芍藥

知母

秦艽各半兩

鼈甲貳兩製

右為細末煉蜜為丸如梧桐子大清粥吞下參拾

丸無時候

地黃煎丸類禾

解勞生肌進食活血養心

生地黄汁

杏仁汁

生薑汁

藕汁各伍升

薄荷汁

鵝梨汁各壹升

法酒貳升

沙蜜肆升

右慢火熬成膏入後藥

北柴胡參兩

木香

人參

茯苓

山藥

栢子仁去皮炒研

遠志肉

枳實製炒

白木各壹兩

秦艽

苦梗各貳兩

麝香半兩研

熟地黃洗焙酒蒸肆兩

右為細末以前膏子和丸如梧子大食後甘草湯

下貳參拾丸

攻補兼施人參散昔濟

治婦人骨蒸勞身體壯熱手

臂疼痛月水不通日漸瘦悴兩脅氣刺四肢羸弱
腹內塊生時有欬嗽不欲飲食

人參 去蘆

鼈甲 醋炙黃 去裙襖

柴胡 去苗

地骨皮 各參

羚羊角屑

赤茯苓

枳殼 炒微 黃去穢

牛膝 去蘆

貝母

栝樓根 各貳

知母 壹兩

赤芍藥

菴仁 湯浸去皮尖雙仁 炒微黃各壹兩

黃芩

當歸 各柒錢 伍分

右為細末每服半兩以積豬肝一具用鹽醋葱白
各少許和煮空心食之後飲溫酒貳盞

赤茯苓散 聖惠

治婦人骨蒸及血勞等疾面色黃瘦

四肢無力 煩疼痰壅涕唾稠粘不思飲食

鼈甲 製如前 貳兩

赤茯苓

柴胡 去苗

麥門冬 十五心

川大黃 剉碎微炒 各壹兩

人參 去蘆

木香

菴仁 製如前

白朮

瞿麥

赤芍藥

當歸

半夏 湯洗七遍去滑各柒錢半

右為麤散每服四錢以水壹中盞入生薑半分煎
至六分去滓溫服無時

攻積天門冬丸 大 全

治伏連傳注腹中有堅鞭積氣

癰心胸作痺痛引脇背腕膈滿悶

羌白

天門冬

去心各半

巴豆

莽草

不蛀皂角

葉子雄黃

各壹兩

右為細末煉蜜為丸如小豆大每服壹丸漸加至
參拾丸空心湯水吞下臨卧一服常宜斟酌勿令
泄瀉忌鯉魚山豬蘆筍

破血劫痰麥煎散

類

治少男室女骨蒸婦人血風

攻疰四肢心胸煩壅

赤茯苓

當歸

乾漆

生

鼈甲

醋炙

常山

大黃

煨

北柴胡

白朮

石膏

生乾地黄

各壹兩

甘草

半兩

右為細末每服貳錢水壹盞小麥五十粒煎食後
臨卧温服有虛汗加麻黃根壹兩東坡云在黃州
療骨蒸黃瘦口臭肌熱盜汗極効寶此方如希世
之珍

通經破血牡丹湯

普濟

治婦人骨蒸經脉不通漸增

瘦弱

牡丹皮

壹兩半

桂

去心皮

木通

剉炒各壹兩

芍藥

土瓜根

各壹兩半

鼈甲

醋炙去裙襴貳兩

桃仁製如前 壹兩

右麤搗篩每服五錢水壹盞半煎至壹盞去滓温服空心食後

鼈甲九聖惠

治婦人骨蒸勞月水不通脇下癥癖往

往腹痛

鼈甲貳兩醋炙黃

土瓜根

桂心

京三稜

牡丹皮

牛膝去苳

川大黃剉碎微炒

訶梨勒皮

琥珀各壹兩細研

豨仁製壹兩

右為末煉蜜和搗三三百杵丸如梧桐子大不計

時候以豨仁湯下叁拾丸

清肺柴胡散聖惠

治婦人骨蒸勞熱咳嗽胸膈痰壅

腹脇妨悶不欲飲食

柴胡去苳

桑根白皮

麥門冬去心

赤茯苓各壹兩

川大黃剉碎微炒

枳殼燒炒去穰

百合

秦艽去苳

紫苑洗

黃芩

赤芍藥

知母

木通剉各半錢半

半夏湯洗七遍去滑

甘草炙微赤各半兩

鼈甲貳兩醋炙

右為麤散每服叁錢以水壹中盞入生薑壹錢叁

分煎至六分去滓溫服無時

涼劑黃連散聖惠 治婦人骨蒸勞熱四體昏沈背膊

疼痛面色痿黃漸漸無力

黃連去鬚

知母各壹兩

鼈甲醋炙

柴胡

木通各壹兩

麥門冬去心

白朮

地骨皮

黃芩

犀角屑各半錢

龍膽去蘆

甘草炙微赤

右為麤散每服四錢以水壹中盞生薑壹錢太淡

竹葉貳七片煎至六分去滓溫服無時

青蒿散聖惠

治婦人骨蒸勞熱四肢煩疼日漸羸瘦

青蒿

鼈甲醋炙

柴胡去苗壹兩

黃連去鬚

黃耆

桑根白皮

白朮各壹兩

梔子仁

知母各半錢

地骨皮

甘草炙微赤

龍膽草去蘆貳錢半

右為麤散每服四錢以水壹中盞入生薑壹錢參

分煎至六分去滓溫服無時

豬肚丸永類

治骨蒸勞唇頰赤氣麤口乾壯熱虛汗

大腸祕澀小便赤黃減食

青蒿

鼈甲醋炙

北柴胡

木香

生乾地黃各壹兩

青皮半兩

宣連 貳兩

右為細末以豬肚壹箇洗淨入藥在內縛定蒸令極軟研如泥為丸如棗豆大湯下拾五丸空心日三服忌濕麪毒物

石膏散 靈 治女人骨蒸外寒內熱附骨蒸盛之時

四肢微瘦足跌腫者病在臟腑中

真石膏不以多少研極細每用新汲水和服方寸匕取身無熱為度 此方非實熱能食大便實者不可服

寒熱並用青蒿鼈甲煎丸 聖 治婦人骨蒸勞退熱

解肌進食

九肋鼈甲 壹箇 北柴胡 貳兩 甘草

杏仁 桔梗 當歸

人參 地骨皮 赤芍藥 各壹兩

胡黃連 宣連 各貳錢半 官桂

木香 各半兩 麝香 壹字 酥

蜜 各叁兩

右為細末用青蒿壹觔童子小便五升好酒壹升熬青蒿汁約貳升已來攙去青蒿不用入酥蜜再熬成膏冷後入藥末搜和為丸如梧桐子大每服

十五丸溫酒下米飲亦得日三服如秋後合再入桃柳枝七莖此藥甚妙即局方人參鼈甲丸也

傳尸天靈蓋散聖惠 治婦人骨蒸勞四肢無力每至

晚間即熱兩頰紅色飲食不下心神煩躁

天靈蓋酥炙 安息香 地骨皮

當歸 人參去蘆 山梔子仁

貝母去心 黃連 桃仁去皮尖雙

檳榔各壹兩 鼈甲醋炙 北柴胡

生乾地黄 赤茯苓 麥門冬各壹兩半

阿魏半兩

右為麤末以童子小便壹大盞桃柳枝各七寸薑

五片葱白五寸藥四錢煎至七分去滓溫服

益母草丸普濟 治婦人骨蒸勞瘦月候不通心神煩

熱四肢疼痛不能飲食

益母草 青蒿各貳觔 桃枝壹握長

柳枝壹握長

已上四味細剉用童子小便壹斗於銀鍋中煎至參升絞去滓煎成膏

柴胡去苗 赤芍藥 犀角屑各貳兩

朱砂壹兩細研 天靈蓋酥炙 木香

甘草

各壹兩

鼈甲

製參兩

菝仁

製伍兩

麝香

半兩

右為末用益母草煎都和擣五七百杵丸如梧桐子大每以烏梅甘草湯下參拾丸無時

獺肝丸

聖惠

治婦人骨蒸勞熱體瘦煩疼不欲飲食

獺肝

壹具

鼈甲

醋炙

北柴胡

各壹兩半

川升麻

桃仁

製

天靈蓋

酥炙

犀角屑

梔子仁

地骨皮

知母

各壹兩

黃耆

柴錢半

甘草

半兩

麝香

貳錢半

朱砂

壹兩細研水飛

右為細末煉蜜丸如梧桐子大溫水下參拾丸無時

時

殺鬼方

聖惠

治婦人骨蒸傳尸勞瘦鬼氣伏連

麝香

柴錢半

犀角屑

木香

白朮

鬼箭羽

各壹兩

虎頭骨

酥炙黃色

天靈蓋

醋炙

桃仁

去皮尖雙仁麩炒黃

雄黃

另研

朱砂

光明者另研各壹兩半

右為細末入研了藥和勻煉蜜丸如梧桐子大溫水下貳拾丸此藥辟瘟疫亦可帶

止嗽溫金散

類

治勞嗽

甘草

黃芩

桑白皮

防風

杏仁

人參

茯苓

麥門冬

右前五味以米泔浸一宿曬乾次入人參茯苓麥門冬三味同為細末每服貳錢水壹盞蠟壹豆大煎八分食後溫服

一方類

調榮衛消瘀血出聲音治痰嗽

當歸

牡丹皮

白芍

子芩

木通

麥門冬

甘草

細辛

生乾地黄

右咬咀每服參錢薑參片水煎溫服

一方類

治肌瘦咯血肺痿等疾

蛤蚧

知母

貝母

人參

甘草

杏仁

枇杷葉

鹿角膠

右為細末每服參錢水壹盞入桑白皮溫服

補肺湯類

治勞嗽

桑白皮

熟地黄

人參

紫苑

黃耆

五味子

右為細末每服貳錢水壹盞入蜜少許食後溫服

四君子湯加秦艽黃蠟煎服尤妙

治胸痺一方類永 治心胸積氣作胸痺引兩脇痛昏

悶不收音聲不清虛熱上壅作鼻衄

桑白皮分參 枳殼 木通

子芩 生乾地黄 白芍藥

甘草各半兩

右為麤末每服參錢水煎食後溫服

一方類永 治伏瘀血在心肺時作衄心胸徹背痛

白芍藥 牡丹皮各壹兩 生犀屑半兩

生地黄參兩別搥

右咬咀每服半兩水煎溫服

瓜蒌湯類永 治胸痺

瓜蒌壹箇 枳殼肆枚 厚朴

薤白各壹兩 桂枝壹兩有熱者陰

右咬咀水煎溫服

一方類永 治積氣堅硬作氣噎胸脇引背痛

白芍藥壹兩半 鼈甲醋炙 枳殼製

北柴胡各壹兩 甘草 赤茯苓各半兩

右咬咀每服參錢生薑參片棗壹枚水煎溫服

出音聲一方類永 治失聲音

訶子肉

木通

各壹兩

甘草

半兩

右咬咀水參升煎至升半入生地黃壹合再煎數沸放溫分六服食後日作半料

治喉痛一方

類

咽喉痛

百藥煎

去黑皮

礪砂

甘草

生白礬

各等分

右為細末每服壹錢食後米飲調細細呷嚥

已上諸方辰陽李倅傳屢救人甚効服藥止可食淡煮豬蹄肉仍須煮熟肉去元汁再以白湯熟煮仍忌房勞生冷魚腥鹹醃藏等修合前藥忌一切

生人男女猶犬雞畜見仍不令病人知藥味大雨効

血風勞

大婦人血風勞證因氣血素虛經候不調或

外傷風邪內挾宿冷致使陰陽不和經絡痞澀腹中堅痛四肢痠疼月水或斷或來面色痿黃羸瘦又有因產後未滿百日不謹將護臟腑虛損百脉枯竭遂致勞損久不瘥則變寒熱休作有時飲食減少肌膚瘦瘁遇經水當至即頭目昏眩胸背拘急四肢疼痛身體煩熱足重面浮或經水不通故謂之血風勞氣也 **薛東垣**云喜怒不節起居不時有所勞傷皆損

其氣氣衰則火旺火旺則乘其脾土脾主四肢故困
熱懶言動作喘乏表熱自汗心煩不安當病之時宜
安心靜坐存養其氣以甘寒瀉其熱氣以酸味收其
散氣以甘溫補其中氣經言勞者溫之損者溫之要
略云平人脉大爲勞以黃耆建中湯治之 一婦人
勞則足跟熱痛此足三陰血虛用聖愈湯而痊後徧
身瘙癢誤服風藥發熱抽搐肝脉洪數此肝家血虛
火盛而生風以天竺黃膽星爲丸用四物麥門五味
苓連炙甘草山梔柴胡煎送而瘡 一婦素清苦勤
於女工因感風邪自用表散之劑反朝寒暮熱自汗

盜汗形氣虛甚其脉或浮洪或微細其面或青白或
痿黃此邪去而氣血愈虛也用十全大補湯二十餘
劑漸瘳又用加味逍遙散兼治半載而痊

人參荆芥散

大十全良方

治婦人血風發熱身體疼痛頭

昏目澀心忪煩倦寒熱盜汗頰赤口乾痰嗽胸滿
精神不爽或月水不調臍腹疔痛瘰癧塊硬疼痛
發歇或時嘔逆飲食不進或因產將理失節淹延
瘦瘁乍起乍卧甚卽着床

人參

荆芥穗

生乾地黄

北柴胡

鼈甲醋炙

酸棗仁炒

枳殼製

羚羊角別錄

白朮各半錢半

桂心

甘草

防風

川芎

當歸各半兩

右為麤末每服五錢水壹盞半生薑參片煎至八分去滓熱服無時

地骨皮散大全良方 治婦人血風氣體虛弱寒熱發渴

地骨皮

桑白皮

枳殼

前胡

黃耆各壹錢半

白茯苓

五加皮

白芍藥

人參各壹錢

柴胡貳錢

官桂

甘草各半錢

右作壹服水貳鍾生薑參片煎至壹鍾不拘時服

地黃煎大全良方 治婦人血風勞心忪發熱不退

生乾地黃

熟乾地黃

右等分為細末用生薑自然汁和水打糊為丸如梧桐子大每服參拾丸用地黃湯下或只茶酒醋湯下亦可食後日三服覺臟腑虛冷早間先服八味丸一服不可謂地黃性冷沮如壞脾大槩陰虛則發熱蓋地黃大能補陰益陰血退熱也 薛云前方肝脾血虛發熱內熱晡熱盜汗作渴體倦筋骨疼痛筋脉拘攣血虛發躁虛熱生痰咳嗽之良

劑若因肝脾腎精血燥熱生痰胸膈痞滿喘咳作渴及一切虛火證必用六味丸為主

乞力伽散大全良方 治血虛肌熱又治小兒脾虛蒸熱

羸瘦不能飲食

白木

白芍藥

白茯苓

各壹兩

甘草 半兩

右為細末薑棗煎參錢服

大効油煎散大全良方 治血風勞氣攻疰四肢腰背疼

痛嘔逆醋心不思飲食日漸羸瘦面色痿黃手足

麻痺血海冷敗神効

五加皮

川烏 炮

芍藥

海桐皮

牡丹皮 各壹兩

桂心

乾薑

川芎 各半兩

右為細末每服貳錢水壹盞生麻油浸錢壹文同煎至六分溫服常服以油浸貳錢煎藥時不可攪

喫藥時不可吹

治血風勞方大全良方

一 牡丹皮

地骨皮

防風

甘草

黑豆

白芷

白芍藥

各壹兩

荆芥穗

貳兩

川芎

貳錢半

右為細末每服貳錢水壹中盞薑叁片棗壹箇葱白壹寸煎至八分溫服無時

馬鞭草散良方 治血風攻透肢體疼痛或覺瘙癢或覺痺麻作寒作熱飲食減味

馬鞭草去梗 荆芥穗 北柴胡

烏梅肉各貳兩 枳殼 白木

羌活 白芍藥各壹兩 秦艽

天台烏藥 麻黃各壹兩半 木香半兩

當歸 川烏炮 甘草各壹兩

右為細末每服叁錢水壹盞生薑叁片棗壹枚葱

白貳寸煎至七分日午臨卧溫服常服無忌有孕勿服

琥珀散聖惠 治婦人血風勞氣臍腹疼痛經脉不調

漸加羸瘦

琥珀細研 白木 當歸

桃仁去皮尖 赤芍藥各柒錢半 柴胡去苗

鼈甲醋炙各壹兩 延胡索 紅花子

牡丹皮 桂心各半兩

右為散每服四錢水壹中盞入生薑半分煎至六分去滓食前稍熱服

茯神散聖惠 治婦人血風勞氣頭目赤胸背氣壅四

肢疼痛心煩驚悸少欲飲食

柴胡去苗 石膏各貳兩 茯神

羚羊角去蘆 防風去蘆 赤芍藥

人參去蘆 天門冬去心 獨活

郁李仁去皮微炒 生乾地黄 枳殼麩炒去穰各壹兩

甘草炙半兩 桃仁湯浸去皮尖雙仁麩炒黃研如泥壹兩半

右為散每服四錢以水壹中盞入生薑半分煎至六分去滓溫服無時

逍遙散神巧萬全方 治血風勞解五心煩躁心多怔忡

恍惚憂懼頭目昏重夜多盜汗

人參 白茯苓去皮 柴胡去苗

白朮炒 黃耆

右各等分為散每服叁錢入甘草壹寸同煎六分溫服

熟乾地黄散神巧萬全方 治婦人血風勞冷氣攻心腹

疼痛四肢不和食減少日漸羸瘦

熟乾地黄 柴胡 黃耆

蒼朮 牛膝去苗各壹兩 鼈甲醋炙黃貳兩

白芍藥 當歸 薑黃

琥珀

厚朴

去皮薑汁塗炙

川芎

陳橘皮

去白各半錢半

木香

桂心

羌活

各半兩

右為散每服四錢以水壹中盞生薑半分煎六分

熱服

琥珀丸

博濟方

治血風虛勞上熱下冷或發動即心

中煩躁困乏無力不美飲食醋心口瘡月水不調

肌肉黃瘁腹痛腸鳴或有氣塊攻衝或時作寒熱

頭旋痰逆手足麻痺大宜常服

琥珀

當歸

木香

川芎

防風

檳榔

三稜

炮

乾薑

炮

桂心

各壹兩貳錢半

吳白朮

洗

柴胡

人參

各半兩

青皮

吳茱萸

洗炮

全蝎

炒

附子

炮

草豆蔻

赤芍藥

栝葉

白芷

天麻

各壹錢半

桃仁

去皮尖麩炒

敗龜甲

醋炙

鼈甲

醋炙各壹兩半

右為細末煉蜜丸如梧桐子大每日空心酒下貳拾丸午前近晚更進一服如覺煖近晚不須服如腹內塊積攻築於鼈甲桃仁檳榔三稜各加一倍

為妙忌生冷葱薑菜毒魚等物

鼈甲丸大全良方 治婦人血風勞氣四肢羸瘦疼痛經脈不利飲食無味漸加虛困

鼈甲

紫苑

桂心

川芎

防風

川牛膝

當歸

秦朮

人參

桃仁

琥珀各壹兩

黃耆

赤芍藥

蟲蟲製

水蛭製

鬼箭羽

白朮

羌活各柒錢伍分

熟地黃壹兩半

麝香貳錢半

右為細末煉蜜丸如梧桐子大空心食前溫酒下

參拾丸

牡丹丸聖濟總錄 治婦人血風勞氣氣塊攻心日漸黃瘦經脈不行

瘦經脈不行

牡丹皮

郁李仁湯浸去皮各貳兩

芍藥

當歸

芎藭

桂心

苦參

大黃醋炒各壹兩

貝母半兩

右為細末煉蜜丸如梧桐子大每服貳拾丸食前溫酒下日二

柴胡丸聖濟 治婦人血風勞氣頭目昏眩胸背拘急

四肢痠疼心躁煩熱氣滿腹脹腰膝無力經脈不調

柴胡 去苗

黃連 去鬚

知母 焙

赤芍藥

龍膽

黃芩 去苗

地骨皮

麥門冬 去心焙

茯神 去木

甘草 炙各壹兩

檳榔 朱錢半

右為末煉蜜丸如梧桐子大每服貳拾丸溫酒下無時

客熱

大客熱者因體虛而將溫過度外熱加之非臟腑自生故云客熱其狀上焦胸膈之間虛熱口燥心煩手足壯熱者是也 薛前證若客邪所侵用補中益氣加川芎防風 肝虛血少六味地黄丸 胃火飲冷錢氏瀉黃散 胃虛飲湯七味白朮散 潮熱時熱八珍湯 補熱內熱逍遙散 發熱體倦補中益氣湯 恚怒發熱小柴胡湯 鬱怒發熱加味歸脾湯 寅卯酉戌時熱升陽益陰湯

大麥門冬散 治婦人客熱四肢煩悶疼痛飲食不

下

麥門冬

赤茯苓

赤芍藥

柴胡 各壹錢半

桑白皮

生地黄

黃耆

羚羊角屑 各壹錢

甘草 半錢

右作一服水貳鍾生薑參片煎至壹鍾不拘時服

犀角散 治婦人客熱四肢煩悶疼痛飲食不下

犀角屑

赤芍藥

地骨皮

赤茯苓

紅花

人參

枳殼

麥門冬 各壹錢

柴胡 貳錢

黃耆 貳錢

甘草 半錢

右作一服水貳鍾生薑參片煎至壹鍾不拘時服
黃耆飲 治婦人客熱心胸壅悶肢節煩疼不思飲食

黃耆

生地黄 各貳錢

人參

茯苓 炒

犀角屑

瓜蒌仁

黃芩 各壹錢

甘草 半錢

右作一服水貳鍾淡竹葉五片煎至壹鍾不拘時服

丹砂散 治婦人客熱心神煩躁口乾舌澀飲食無味

丹砂

壹兩 飛過

犀角屑

天竺黃

胡黃連

各半

麥門冬

去心焙

寒水石

細研

馬牙硝

細研各壹分

鉛霜

半兩

右為細末入研了藥和勻每以竹葉湯調下壹錢

無時

玉霜散

治婦人客熱煩渴頭痛痰涌如泉

石膏

貳兩 細研 水飛過

寒水石

壹兩 細研

右和勻每以生地黃汁調下壹錢無時

生乾地黃丸

治婦人客熱面赤頭疼口舌生瘡心

胸煩壅飲食無味

生乾地黃

壹兩

羚羊角屑

白蘚皮

葳蕤

各半

黃連

去鬚柴 錢半

黃耆

炙微赤 半兩

麥門冬

貳兩 去心焙

玄參

犀角屑

地骨皮

甘草

炙微赤 各半兩

川大黃

壹兩

右為細末煉蜜和搗二三百杵丸如梧桐子大每以溫水下參拾丸無時

敗毒散

治婦人客熱四肢煩悶疼痛不思飲食甚

者可加地骨皮黃芩

方見雜病傷濕

寒熱

師尼寡婦附

大經曰陽不足則先寒後熱陰不足則先熱後寒皆由勞傷氣血陰陽不調寒熱如瘧也當分氣血虛實而治之薛前症若寸口脉微名曰陽不足則陰氣上入於陽中用補中益氣湯若尺部脉弱名曰陰不足則陽氣下陷入陰中用益陰腎氣丸若因氣血俱虛用八珍湯若因怒動肝火用小柴胡湯若陰陽俱不足則氣血不歸其本部以致寒熱交爭也一婦人年六十有四久鬱怒頭痛寒熱春間乳內時痛服流氣飲之類益甚時有血如經行又大驚恐飲食不進

夜寐不寧兩乳腫脹兩脇痠痛午後色赤余以為肝脾鬱怒火燥先以逍遙散加酒炒黑龍膽一錢山柅一錢五分服二劑腫痛頓愈又二劑全愈再用歸脾湯加炒梔貝母諸症悉愈

大地骨皮散 治血風氣虛時作寒熱或哺熱內熱

柴胡 地骨皮 各壹兩 桑白皮 炒

枳殼 麩炒 前胡 黃耆 炒各柒錢伍分

白茯苓 五加皮 人參

甘草 桂心 白芍藥 各半兩

右咬咀每服參五錢水壹盞半生薑二片煎至七

分溫服

生地黄散 治婦人血氣不調或時寒熱體痛不思飲食

飲食

生乾地黄 北柴胡 各壹兩 羌活

木香 桂心 防風 各半兩

酸棗仁 炒研 羚羊角屑 白芍藥

白朮 黃耆 川牛膝

白茯苓 當歸 枳殼 各柒錢伍分

右咬咀每服參五錢水壹盞薑參片煎至七分去

滓空心溫服

異功散 治婦人血氣虛冷時發刺痛頭目昏悶四肢無力寒熱往來狀似勞倦並宜服之

烏藥

川芎

苦梗

玄胡索

當歸

陳皮 各壹錢半

官桂

牡丹皮

芍藥

白芷

乾薑 各壹錢

右作一服用水貳鍾生薑三片煎至壹鍾入酒半盞再煎一二沸不拘時

右三方內有桂唯寒多者宜之第三方無滯氣汚血尤不宜服

七寶湯 治寒熱往來

防風 去蘆

知母

生地黄 各半兩

柴胡 去蘆

秦朮

甘草 炙

前胡 去蘆各貳錢半

右咬咀每服五錢水壹盞半加入參參寸煎至七分熱服

柴胡散 治婦人寒熱體瘦肢節疼痛口乾心煩不欲飲食

北柴胡

赤茯苓

黃耆

白朮 各壹錢

麥門冬 叁錢

鼈甲 醋炙貳錢

人參

地骨皮

枳殼 麩炒

生地黄

桑白皮

赤芍藥

桔梗

甘草 各半錢

右作一服水貳鍾生薑參片煎至壹鍾不拘時服
桃仁丸 治婦人頭目昏重心神煩悶或時寒熱肢
節疼痛不欲飲食

桃仁

湯浸去皮尖雙
仁麩炒微黃

芎藭

白朮

柴胡 去苗

人參 去蘆

生地黄

酸棗仁 微炒各壹兩

赤茯苓

訶黎勒皮

各半錢

枳殼

麩炒微黃去蘆

赤芍藥

各半兩

右為末煉蜜和搗三二百杵丸如梧桐子大每以
生薑荆芥薄荷湯下叁拾丸

青蒿散

治男子婦人肢體倦疼虛勞寒熱用青蒿

八九月間將成實時採去枝梗以蒿用童子小便
浸三日曬乾為末每服貳錢烏梅壹箇煎至七分
服

右三方熱多者宜之

師石寡婦異乎妻妾之治

羅劉宋褚澄療師尼寡婦

別製方者蓋有謂也此二種寡居獨陰無陽慾心萌
而多不遂是以陰陽交爭乍寒乍熱全類温瘧久則

爲勞嘗讀史記倉公傳載濟北王侍人韓女病腰背
痛寒熱衆醫皆以爲寒熱病治之不瘥倉公曰此病
得之欲男子不可得也衆曰何以知欲男子不可得
倉公曰診其脉肝脉弦出寸口是以知之蓋男子以
精爲主婦人以血爲主男子精盛以思室婦人血盛
以懷胎夫肝攝血者也是厥陰肝脉弦出寸口上魚
際則陰盛可知故知褚氏之言信有謂矣

大師尼寡婦與室女出嫁愆期者多因欲心萌而不
遂慊慊成病乍寒乍熱久則爲勞又有經閉白淫痰
逆頭風膈氣痞悶面黧瘦瘠等證皆寡婦之病也

薛前證若肝脉弦出魚際用小柴胡加生地黄逸下
生地黄丸久而血虛佐以四物湯 若兼怒動肝火
而寒熱者佐以加味逍遙散 若兼虧損肝經而寒
熱者佐以八珍湯 若兼虧損元氣而寒熱者佐以
補中益氣湯 若兼鬱傷脾氣而寒熱者佐以濟生
歸脾湯 一婦人因夫經商久不歸發寒熱月經旬
日方止服降火涼血藥反潮熱內熱自汗盜汗月經
頻數余曰熱汗氣血虛也經頻肝脾虛也用歸脾湯
六味丸而愈嘗治兼證旣愈而寒熱不衰當仍用本
證藥 一婦人年三十有七早孀居兩腿骨作痛瞞

實熱
熱體倦月經不調或發寒熱數年矣一日頸項兩側
結核兩脇脹痛此係肝經鬱火而成也先用小柴胡
湯合四物數劑肝症頓愈又用加味逍遙散加澤蘭
乳香沒藥三十劑血症漸痊再用加味歸脾湯年餘
而安 一婦婦兩腿作痛或用除濕化痰等藥遍身
作痛而無定處此血症也不信乃服流氣飲之類而
歿 一放出宮人年四十餘臀腿內股作痛晡熱口
乾月經不調此係肝經血少不能養經絡而然也宜
加味逍遙散加澤蘭葉五十帖諸症稍緩又以歸脾
湯二百餘劑而痊 一放出宮人臀腿腫痛內熱晡

熱惡寒體倦咳嗽胸痞月經過期而少彼以爲氣毒
流注服清熱理氣之劑益甚此肝經瘀血停留所致
蓋肝經上貫鬲布脇肋循喉嚨下循膈內賺繞陰器
抵少腹主治之法但當補其所不勝而制其所勝補
者脾也制者肝也經曰虛卽補之實則瀉之此定法
也彼不信仍服前藥遂致不起

本生地黄丸 許學士治一尼患惡風體倦乍寒乍
熱面赤心悸或時自汗是時疫氣大行醫見其寒
熱作傷寒治之用大小柴胡湯雜進數日病急召
予診之三部無寒邪脉但厥陰弦長而上魚際宜

服抑陰等藥故製此方

生地黄

貳兩

柴胡

秦艽

黃芩

各半兩

芍藥

壹兩

右為細末煉蜜丸如桐子大每服參拾丸用烏梅湯吞下日三服不拘時

惡寒

大婦人惡寒者亦有陰陽二證發熱而惡寒者發於陽也無熱而惡寒者發於陰也發於陽者宜解表脉必浮數發於陰者宜溫裏脉必沉細又有汗後利後惡寒及背惡寒已上疾證方治並載百問不復繁引僕嘗治一婦人但惡寒別無他證六脉平靜遂用敗毒散而安此藥能去表中風邪故也經云惡寒家慎不可過當覆衣被及近火氣寒熱相薄脉道沉伏愈令病人寒不可遏但去被撤火兼以和表之藥自然不惡寒矣婦人惡寒尤不可近火寒氣入腹血室結

聚針藥所不能治矣

薛前證若怠惰嗜卧洒淅惡

寒乃陽不能伸發用升陽益胃湯若勞傷形氣而惡寒乃無陽以護衛用補中益氣湯若飲食傷脾胃而惡寒乃元氣虛損用六君子湯若加煩躁妄言或欲飲水仍進前劑但加薑桂若體倦煩渴頭痛自汗用補中益氣湯加五味麥門東垣云書則發熱惡寒是陰氣上溢於陽分也夜則惡寒是陰血自旺於陰分也海藏云六月大熱之氣反得大寒之證當捨時從證治以薑桂之類丹溪云久病惡寒乃痰鬱於脾抑遏陽氣不得外泄治當解鬱

